



Adresa: **Ul.H.Čemerlića 39A**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP–I/25-2-40-328-6/21**

Datum: **22.09.2021. god**

„Agencija za vodno područje rijeke Save“ Sarajevo rješavajući po zahtjevu investitora „Euro-Asfalt“ d.o.o. Sarajevo za izdavanje vodne saglasnosti na projektnu dokumentaciju za aktivnost ispuštanja tehnoloških otpadnih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada pogona za proizvodnju betona „Hrenovica“ sa pratećim objektima i sadržajima predviđenih za gradnju na zemljištu označenom kao k.č. broj: 2418 K.O. Hadžići, Općina Goražde, na osnovu člana 121. stav 3. Zakona o vodama („Službene novine Federacije BiH“, broj 70/06) i člana 67 stav (2) Zakona o upravnom postupku („Službene novine Federacije BiH“, broj 02/98 i 48/99) d o n o s i

ZAKLJUČAK

Odbacuje se zahtjev investitora „Euro-Asfalt“ d.o.o. Sarajevo za izdavanje vodne saglasnosti na projektnu dokumentaciju za aktivnost ispuštanja tehnoloških otpadnih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada pogona za proizvodnju betona „Hrenovica“ sa pratećim objektima i sadržajima predviđenih za gradnju na zemljištu označenom kao k.č. broj: 2418 K.O. Hadžići, Općina Goražde, zbog nepotpunosti dokumentacije i smatra se kao da nije ni podnesen.

O b r a z l o ž e n j e

Na zahtjev Investitora „Euro-Asfalt“ d.o.o. Sarajevo dana 21.07.2021. godine pokrenut je postupak za izdavanje vodne saglasnosti na projektnu dokumentaciju za aktivnost ispuštanja tehnoloških otpadnih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada pogona za proizvodnju betona „Hrenovica“ sa pratećim objektima i sadržajima predviđenih za gradnju na zemljištu označenom kao k.č. broj: 2418 K.O. Hadžići, Općina Goražde

Uz zahtjev je dostavljena slijedeća dokumentacija:

- Aktuelni izvod iz sudskog registra, broj:065-0-RegZ-21-005549 od 15.06.2021. godine izdat od strane Općinskog suda u Sarajevu – ovjerena kopija,
- Rješenje o upisu subjekta u sudski registar, broj:UF/I-299/01 od 20.03.2001. godine izdato od strane Kantonalnog suda u Sarajevu – kopija,
- Uvjerenje o poreznoj registraciji od 09.03.2007. godine izdato od strane Kantonalnog poreznog ureda u Sarajevu - ovjerena kopija,
- Rješenje o prethodnoj vodnoj saglasnosti, broj:UP-I/25-1-40-220-5/21 od 08.06.2021. godine izdato od strane Agencije za vodno područje rijeke Save, Sarajevo – kopija,
- Rješenje o urbanističkoj saglasnosti, broj:UPI/03-23-2-100/19 od 17.06.2019. godine izdato od strane Federalnog ministarstva prostornog uređenja – kopija,
- Rješenje o okolinskoj dozvoli, broj:UP-I 05/2-23-11-90/18 SN od 02.10.2018. godine izdato od strane Federalnog ministarstva okoliša i turizma – kopija,
- Dokaz o uplaćenju federalnoj upravnoj pristojbi

Nakon prijema i pregleda dostavljene opšte dokumentacije Agencija se aktom broj:UP-I/25-2-40-328-3/21 od 27.07.2021. godine obratila investitoru sa zahtjevom da u skladu sa odredbama Pravilnika o sadržaju, obliku, uslovima, načinu izdavanja i čuvanja vodnih akata („Službene novine Federacije BiH” broj 31/15, 55/19,41/20), Uredbe o uslovima ispuštanja otpadnih voda u okoliš i sisteme javne kanalizacije («Sl. novine Federacije BiH», broj: 26/20,96/20) dopuni zahtjev i dostavi slijedeće dokumente:

- Investiciono-tehničku dokumentaciju koja treba biti urađena i revidovana od strane pravnog lica koje ima ovlaštenje (lista „A”) pribavljeno od strane Federalnog ministarstva poljoprivrede, vodoprivrede i šumarstva i treba da obradi sva pitanja definisana članom 5. stav (2) Pravilnika o sadržaju, obliku, uslovima, načinu izdavanja i čuvanja vodnih akata („Službene novine Federacije BiH”, broj: 31/15, 55/19 i 41/20). Investiciono-tehničku dokumentaciju treba biti urađena u skladu sa uslovima iz Rješenja o prethodnoj vodnoj saglasnosti, broj: UP-I/25-1-40-220-5/21 od 08.06.2021. godine izdatoj od strane Agencije,
 - Punomoć podnosioca zahtjeva,
 - Rješenje o urbanističkoj saglasnosti izdato od strane nadležnog organa (dostavljeno Rješenje broj:UPI/03-23-2-100/19 od 17.06.2019. godine je sa rokom važenja od 1 godine i isto je isteklo), Krajnji rok za dostavljanje tražene dokumentacije bio je 16.08.2021. godine.
- Investitor „Euro-Asfalt” d.o.o. Sarajevo se aktom broj:EA-RD-4-012-08/21 od 12.08.2021. godine obratio Agenciji sa zahtjevom za prolongiranje roka za dostavljanje dokumentacije tražene aktom broj:UP-I/25-2-40-328-3/21 od 27.07.2021. godine.
- Agencija je uvažila zahtjev Investitora i rok za dostavljanje tražene dokumentacije prolongirala do 06.09.2021. godine.
- Kako podnosilac zahtjeva nije dopunio podnesak u ostavljenom roku, kao ni do dana donošenja ovog Zaključka, to je u skladu sa članom 121. stav 3. Zakona o vodama („Službene novine Federacije BiH”, broj 70/06) člana člana 67. stav (2) Zakona o upravnom postupku, riješeno kao u dispozitivu ovog zaključka.

Uputa o pravnom lijeku:

Protiv ovog zaključka može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Zaključka.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

mr.sc. Selma Merdan, dipl.inž.geol.

Po ovlaštenju
Rukovodilac Sektora za izdavanje vodnih akata


Haris Ališehović, dipl. ing.građ.

Dostaviti:

- „Euro-Asfalt” d.o.o. Sarajevo
Ul. Rajlovac b.b., 71000 Sarajevo,
- AVP Sava, ISV – Vodna knjiga
- Org.jed. 40 – Arhiva
- AVP Sava – Oglasna ploča